



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XCIII. De Victoria in qua de Juliaco & Marcha Comites Sambitarum
Tria millia occiderunt.

urn:nbn:de:hbz:466:1-11850

CAP. XCIII.

De

*Victoria in qua de Juliaco & Marcha**Comites Sambitarum Tria millia occiderunt.*

His variis tribulationibus concussi fratres & Christi fideles terræ Pruschiæ, jam pene deficientes, consternati mente planxerunt planctu magno, quousque in eis deficerent lachrymæ, nec poterant alter alterum consolari, quia timebant sibi Deum nimis offensum. Jam duobus annis pugnauerant & eis semper deficientibus hostes fidei præfecerant; Unde humili & contrito corde elevatis oculis in cœlum cum lachrymis clamaverunt pro auxilio ad Dominum & exaudivit eos. Misit enim de (a) Juliaco & de Marcha Engelbertum Comites cum magna potentia pugnatorum, qui anno Dn. MCCLXII. in Vigilia B. Vincentii circa horam vesperarum venerunt ad Castrum Kunnigsbergk & volebant eo die propugnacula Sambitarum, quibus Castrum Kunnigsbergk obsessum fuerat, expugnare; Sed fratres quia modicum super erat diei ad tam grande bellum disvaserunt. Mane facto dum Exercitus Christianorum ad impugnandum propugnacula vellet accedere, unus de Sambitis non remansit, relictis propugnaculis & recesserant, & viam occupaverant peregrinis, de quo comes Juliacensis commotus, recessit cum exercitu, nesciens insidias sibi positas in via, præmisit ergo de consilio fratrum nuncios, qui viarum discrimina præviderent, quorum unus scilicet Stanteko, qui cum custodibus Sambitarum convenerat, vulneratus graviter cum extracto gladio

Bb ;

& cru-

*Poppo de Osterna VI. Magister Gen. Ordinis Teut.
Helmericus de Reichenberge VI. Mag. Prov. in Prussia.*

& cruentato prodidit insidias; Unde peregrini comperaverunt se ad bellum & Comes de Marcha Equites & alii pedites invaserunt eos hostiliter, sic quod divino protecti adjutorio gloriosè de hostibus triumphabant, aliis gladio trucidatis, aliquibus tergavertentibus, quibusdam cedentibus ad Villam, quæ quondam Calige etiam Sclume dicitur, de qua cum maxima difficultate fuerant expugnati. Oportuit enim omnes fratres & eorum armigeros de Kunnigsbergk advocari, hi viriliter eos fuerunt aggressi, & post longum bellum, in quo ex utraque parte plures vulnerati & mortui ceciderunt, omnes inter fecerunt. Sicque DEO propitio die illâ Sambitarum & aliorum Pruthenorum ultra tria millia sunt occisa, eodem die revoluto, anno, quo confictus fuit in Pocarvvis.

ANIMADVERSIONES.

(a) Nomine Wilhelmum *Vid. Adelarius Erichius lib. 5. Chron. Juliacensis cap. 14. fol. 245. b. & 289.*

(b) Engelbertus I. qui totam vitam suam in ejusmodi expeditionibus contrivit. Hujus posterì deinde Cliviam, & successu temporis etiam Juliacum & Bergam adepti sunt. *Vid. Adelarius Erich. lib. VI. Chron. Jul. cap. 6. & 9.*

CAP. XCIV.

De

Prænosticatione hujus Victoriæ.

Hanc Stragem Sambitarum prædixit quidam Pruthenus & sic affirmativè confirmabat ipsum futurum, quod ausus fuit dicere sub pœna capitis sui, nescio quo spiritu ad fratres de Kunnigsberg: In die B. Vincentii Sambitæ occidentur. Sed cum exercitus eodem die recederet, impropertum fuit ei mendacium,